

中國方志叢書·華南地方·第二六一號

據


清光緒三十三年等刊纂本修

影印

雲南省

續修嵩明州志

成文出版社有限公司印行



10101779

519239

k29
H1819
(26111)

中國方志叢書·華南地方·第二六一號


據

清光緒三十三年等纂修
清光緒三十三年等纂修

影印

雲南

續修嵩明州志



成文出版社有限公司印行



10101780

9240

中華民國六十四年 月臺一版

續修嵩明州志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

原序

州之有志以載事也將以廣郡乘之所蒐羅備輶軒之所採擇猶夫藻米亦登於華衮雅奏不遺乎管龔甯得考之未詳覈之欠實徒為塞責而已哉顧必徵文訪獻期於傳信而不誣也余不敏奉

命守茲土每省謁

上憲均以州志是究敢不奉教唯謹及退而自揣竊以譾劣之才莫副修明之責其若之何又思志之為書述而不作者也既不可任彼之缺略又勿容矜己之聰明


唯集前後之見聞紀古今之事實以信傳信矣不可之
有第稽諸古志僅寥寥數頁而鈔錄一卷又繁冗蝟雜
不可備成書而稱善本也爰進州之紳士偕諸耆宿
日與司鐸楊高二君同心考訂博采旁搜歷數月而定
其編次焉事取其詳而不略文尚其質而不華彙集既
成而一州之山川形勝土物人風以迄賦役里郵儀典
學校暨賢聲官蹟節義文章之類一披覽之餘概可知
矣乃用以集之郡乘登之輶軒甯或誣歟且今日者
聖神御宇四方六合咸載版圖凡日月出入之區莫不

王而奉正朔嵩雖逃居天末其就日瞻雲薰仁沐澤者
與中州等也敢曰地之文獻不足徵之弁鄙無文俾載
事之書闕而未備致方

憲教哉唯是詳述舊聞更加新輯益以嚴敷傳其信而
不敢誣是亦華衮之一繪雅奏之一音云爾

皇清康熙五十九年歲在庚午孟夏月上浣之吉

奉直大夫知嵩明州事休甯汪 熙謹識



續修序

歲乙酉余捧檄權嵩陽篆下車伊始訪志乘不可得則以兵燹頻年簡編散失前刺史胡公方謀諸王梁兩廣文及邑中耆舊亟為採訪並物色得舊志二本於某氏家蓋幸存之碩果也然舊志為休甯汪公撰實成於康熙之五十有九年採訪所得率多近時事或咸同間事上至道光間而止若雍正若乾嘉遙遙百年中耆老盡而能道者鮮矣余瞿然曰是將概從闕略乎抑將設法以補之也乃與邦人士謀郵書會垣購取通志

就其中摘出雍乾嘉三朝邑乘蓋可補闕漏者十之八
云稿既脫余披而閱之見其山川風俗縷晰條分燦若
指諸掌而忠孝節烈繼繼繩繩不絕於書視舊志或相
倍蓰於以見

聖朝德化遐敷雖僻壤邊隅亦爭自奮興如是也然則高人
士暨於斯編其交相勸勉又當奚若耶余任嵩凡十五
閱月愧無以父母萬人為守土蓋今去嵩有日所望於
邦人士者良厚適以序請爰題數語而歸之

光緒丙戌孟冬月下泮署嵩明州事清苑葉如桐敘

續修序

僕不敏少懵於學及長避寇難出鄉里傭書以至於宦
於文藝未講也光緒丙戌冬權知嵩明州事適續修州
志成副學 梁君以總閱來屬且索序言僕喜夫志之
成凡州之輿地人事古今盛衰興革之端竟委窮源不
待求而可得也賢士大夫勉於事功者將考鏡而設所
措施焉其有裨於治理匪鮮哉稿甫脫宜校讎其文字
之繕寫承謫而錯簡者僕尚能從事於斯因就所知檢
定以質正於 梁君而付手民國未敢以不文辭也是

為序

光緒丁亥仲春月上澣署嵩明州事陽湖吳申祐序


續修序

今天下各直省郡縣凡有學校之地方莫不各有志乘以備載其山川疆域之廣狹風土人情之盛衰俾游其地者一披覽間而地方之情形洞若觀火不至有文獻無徵之歎然其尤有裨於地方者則莫如忠孝節烈之表揚使頑者廉懦者立以興起於百世之下故前明羅念庵先生謂志書為地方之命脈者不誣也余於丙子秋秉鐸來嵩聞高人士多以節義著訪諸父老索志乘不可得越五年獲藏志八卷於某氏家其書成於康熙

之季年雖明且盡而雍乾以次不詳余讀之慨然謂嵩
人士曰時愈隔則愈無徵事愈久則愈無據今既百有
餘歲於茲矣夫今不治後將烏乎考嵩人士避之嗟嗟
自逆回煽亂以來兵連禍結垂二十稔其間忠義之士
慷慨捐生節烈之女堅貞畢命者不可以更僕數是非
表而出之將何以慰靈爽於九京耶綿竹 胡公與清
苑 葉公相繼為嵩刺史汲汲與嵩人士謀命採訪得
若干條並購取通志囑余與王君筱雲編輯而纂修之
乙酉冬王君公車北上擱筆者又兩閱月適余壻張生

月潭自湘來復與余相助為理銓竇呵凍細加纂輯莫
涉於疑似及不可得而詳者概從闕是役也自甲申冬
起迄於又明年建丑之月凡再週星而稿始脫焉付之
剞劂以貽嵩人士共守之他日者嵩之人士景溯前賢
聞風興起將有人文日盛藝藝櫟而蔚菁莪者其有光
於地方多矣然則愈庵之言古人豈欺我哉

光緒丙戌季冬月上泮嵩明州訓導寶甯梁恩明序



原修姓名

總修

雲南府嵩明州知州 汪照

參定

雲南府嵩明州儒學學正 楊暄

雲南府嵩明州儒學訓導 高朗

監梓

雲南府嵩明州吏目 聞調元

雲南府嵩明州楊林驛驛丞 孫師灝

編纂

河南開封府延津縣知縣任洵

永昌府騰越州儒學訓導高凌漢

楚雄府廣通縣儒學訓導李振龍

舉人張敬義

舉人李旭

貢生梁招孟

貢生李允植

參訂